

書



宋孝宗御製蘇文忠公集序

并贊

成一代之文章必能立天下之大節立天下之大節非其氣足以高天下者未之能焉孔子曰臨大節而不可奪君子人與孟子曰我善養吾浩然之氣以直養而無害則塞乎天地之間蓋存之於身謂之氣見之於事謂之節節也氣也合而言之道也以是成文剛而無餒故能參天地之化關盛衰之運不然則雕蟲篆刻童子之事耳烏足與論一代之文章哉故贈太師謚文忠蘇軾忠言讜論立朝大節一時廷臣無出其右負其豪氣志在行其所學放浪嶺海文不少衰力斡造化元氣淋漓

窮理盡性貫通天人山川風雲草木華實千彙萬狀可  
喜可愕有感於中一寓之於文雄視百代自作一家渾  
涵光芒至是而大成矣朕萬幾餘暇細繹詩書他人之  
文或得或失多所取舍至於軾所著讀之終日疊疊忘  
倦常寘左右以爲矜式信可謂一代文章之宗也歟乃  
作贊曰

惟古文章言必已出綴詞緝句文之蝨賊手扶雲  
漢幹造化機氣高天下乃克爲之猗嗟若人冠冕  
百代忠言讜論不顧身害凜凜大節見於立朝放  
浪嶺海侶於漁樵歲晚歸來其文益偉波瀾老成

無所附麗昭晰無疑優游有餘跨唐越漢自我師  
模賈馬豪奇韓柳雅健前哲典刑未足多羨敬想  
高風恨不同時掩卷三嘆播以聲詩

乾道九年閏正月望選德殿書賜蘇嶠

補註東坡先生編年詩例畧

余於蘇詩性有篤好向不滿於王氏註爲之駁正瑕璽  
零丁件繫收弄篋中積久漸成卷帙後讀渭南集乃知  
有施註蘇詩舊本苦不易購庚辰春與商邱宋山言並  
客輦下忽出新刻本見貽檢閱終卷於鄙懷頗有未愜  
者因復補輯舊聞自忘蕪陋將出以問世昔王原叔註  
杜詩旣行世矣王寧祖則有改正王內翰注杜集薛夢  
符又有補註本黃長睿有較定本蔡興宗有正異本杜  
田有補遺正謬本古人於箋疏之學各抒所得不肯雷  
同勦說如此非欲銜己長而攻人之短也慎不敏竊取

此義

公詩自仁宗嘉祐己亥始見集中所謂南行集也牛口見月詩亦是年作注家顧系諸嘉祐元年按嘉祐元年爲丙申而詩中有忽憶丙申年之句其背戾可知從來編年者或起辛丑或起壬寅南行集迺己亥庚子詩反置續集中殊失位置考宋史藝文志有南征集一卷征字乃行字之訛當時此卷本自單行今自郭綸及初發嘉州以下編次一準樂城集例雖獨變序固不紊也

蘇詩宜編年固矣惟是先生升沉中外時地屢易篇什繁多必若部居州次一一不爽自非朝夕從游疇能定

之施元之顧景繁生南渡時去先生之世未遠排纂尚有舛錯如客位假寐一首鳳翔所作而入倅杭時次韻曹九章一首黃州所作而入守湖州時姑舉二段以見編年之難凡慎所辨正必先求之本詩及手書真蹟又參以同時諸公文集洎宋元名家詩話題跋年經詩緯用以審定前後余家少藏書每從竹垞朱先生及馬衍齋素材兄弟借閱援據考證實賴仗助焉

茲集舊有八注十注同時稍後者有唐子西趙夔等注

乾道末御製序刊行紹興中有吳興沈氏注

見吳興備志  
經籍類中

漳

州黃學臯補注

見王懋宣閩大  
記藝文類中

今皆不傳傳者惟王氏施氏

蘇詩補註 卷之二 香雨齋  
兩家耳施氏本又多殘脫近從吳中借抄一本每首視  
新刻或多一二行乃知新刻復經增刪大都掇拾王氏  
舊說失施氏面目矣今於施注原本所有而新刻所刪  
者輒補錄以存其舊漫不可辨者則缺之譬諸斷碣殘  
碑自成片段何取天吳紫鳳顛倒裋褐哉

南宋時人有箋注先生詩句號東坡錦繡段隨句撰事  
牽合殊無根蒂此與魯豈黃鶴之注杜李歎之撰詩史  
同科固有識所姍笑若乃當代文獻信而足徵寧容闕  
畧趙叔平張退傅張天覺李誠之徐德占劉仲馮劉壯  
輿諸公宋史各有傳非泯泯無聞者仁宗朝之制科范

景仁之新樂王介甫之新法种誼之禽鬼章邢恕之構  
宣仁王韶之啓邊釁何以一無援證元祐初年議回河  
七年議郊祀周思道等先後論權蜀茶詮釋亦復影響  
模糊皆疎漏之大者餘無論矣

疎漏之病前條畧舉之更有繁蕪之病有詩意本瞭然  
多添注脚者有所用非此事強爲牽率者有一事經再  
用三用稠疊蔓引者洪容齋曰讀是書者要非蒙童小  
兒何煩屢注哉凡此冗沓王注固多施氏亦所不免芟  
之不勝芟也且二書流傳已遠聽其單行於天地間知  
此解者毋謂離之則雙美也

此外更有改竄經史妄托志傳以傳會詩辭者禮記敝  
帷不棄爲埋馬也敝蓋不棄爲埋狗也施氏注刪去中  
間二語作何解乎唐明皇兄弟六人其一蚤卒寧薛兄  
也岐申弟也當時稱明皇爲三郎王氏謂岐薛申寧皆  
明皇諸弟何所據乎北史周樂運字承業錄夏殷以來  
諫諍事名諫苑先生和朱公掞初夏第五句正使此事  
而施注王注皆云南史李承業集古今奏議作諫苑南  
史曾有其人乎范石湖吳郡志王誨字規父熙寧六年  
知蘇州王覲字明叟元祐中亦知蘇州明明兩人也施  
注謂覲字規父可乎王明清揮塵錄趙令鑠字伯堅宗

室世雄子也趙令時初字景貺東坡爲改字德麟集中  
有字說可考施注謂伯堅一字景貺可乎詩家秀句傳  
少陵哭李尚書五言句也施注因先生有秀句出寒餓  
之語遂增二字爲七言杜集中曾有此句法乎盧鴻一  
草堂圖有十志詳載唐詩紀及周密雲烟過眼錄而以  
十志爲千老作何解乎出峽詩云亦到龍馬溪茅屋沽  
村釀按樂史太平寰宇記夔州有龍洞溪卽善釀酒之  
村也地名雖一字小異與詩意正合而施氏補注謂馬  
鳴溪俗稱龍馬溪寰宇記之文可僞造乎訛在原注則  
應駁正訛在補注咎將誰諉乎

郡縣山川之名最易傳譌虔州號虎頭城見宋中興小  
歷而以為常州醴泉眉州山名而以為西安之醴泉縣  
姥嶺在杭州龍山而以為天姥山太白在長安而引洞  
天記龍潭在壽州而引延平志玉門關在瓜州而云沙  
州其他寺觀樓閣妄指圖經附會不一茲從十道志元  
和郡縣圖志太平寰宇記輿地廣記九域志方輿勝覽  
下逮曹學佺名勝志古今沿革考索為詳至於宋朝官  
制亦不敢畧則本之曾子固隆平集孫彥同職官分紀  
二書用補他家所未及雖未必毫髮無憾固已十得八  
九矣

王注之繆吳中新刻本正譌一卷抉擿過半矣但持議  
有過苛者如素木之為素米鹽惡之為鹽惡廬山之為  
廬山襄楷之為裴楷范縝之為范績狄詠之為狄詠率  
因字畫相近傳寫翻刻致成魯魚帝虎訛由工匠非關  
注家也又所糾第八卷王淪當作倫按晉書列女傳王  
渾中弟名淪惟世說注則云渾弟倫然則淪字固譌倫  
字恐亦譌也三十七卷望祖猶蟻蜂注云當作望祀葛  
立方韻語陽秋辨之詳矣應仍作望祖輕為改易於義  
似有未安

本集詩與他集互見者凡九十餘篇皆施氏原本所無

也新刻本收入續補上下卷王氏本散見於分類中廣作極多類濱及蘇門六君子作率皆混雜至有割截他集半首誤爲全篇者如答晁以道索書則陳後山五律前半首也寄歐叔弼七言絕句則子由贈劉道士七律後半首也唐人詩甚且有闌入者若概行削去時俗恐以爲疑故另爲二卷每首後附注此詩亦見某集令覽者有考焉至施注新刻內有本集重出者如歸自道場何山遇大風憇耘老溪亭命官奴秉燭寫風竹題詩云云卽遊道場何山五古全首中之四句也睡起一首卽佛日山榮長老方丈五首之一也贈虔州慈雲鑿老一首已載第四十卷中復載續補遺下卷復官北歸再次前韻二首郭功父作也旣附三十九卷注中補遺下卷何以再見此類徑從刪例又如次韻子由聞予善射七律一首扶風天和寺五律一首答南華長老一偈舊本所有而新刻失載亟當補錄要歸於別真贋去重複無脫漏而已若云糾繆則吾豈敢

和陶詩一百三十六首子由有序自成二卷細考之惟飲酒二十章和於揚州官舍餘悉紹聖甲戌後自惠遷儋七年中作也歲月大畧可稽分之各卷以符編年之例其間亦有未能確指年月者則慎以意推之要難遷

就他所也

文字之禍於公爲烈始而牽連詩帳終則禁及藏書散軼固多收藏不乏今從編簡中留心摭輯共得逸詩一百二十餘首又唐人所謂口號皆近體詩也張燕公有十五夜御前口號少陵紫宸殿退朝口號西閣口號之類是也宋人帖子詞及致語口號猶仍其舊施氏原注有帖子詞一卷目錄尚存新刻妄爲刪削今一併采入與逸詩釐爲三卷

劉辰翁之評杜集也同時倡和如嚴武高適韋迢元結詩例皆附錄和賈至早朝詩錢塘舊本兼收王維岑參作錢虞山箋注仍而不刪也今視此例凡與東坡贈龔者若文潞國張宣徽文湖州梅都官歐陽公范純父王半山鄭介夫以及子由子容山谷少游補之文潛後山端叔功父述古仲車三孔兄弟方外則辨才參寥幸而人有專集悉採其詩附本篇末或有集而不傳傳而不遠如劉景文錢穆父孫莘老李公擇陳舜俞王仲至胡完夫蔣穎叔王定國魯元翰王晉卿趙景貺柳子玉周開祖諸公贈答之什偶得一二闕畧不少其附錄諸詩不加注釋者蓋方專精於此未遑旁及云

補注之役權輿於癸丑迨己未庚申後往還黔楚每以

一編自隨己卯冬渡淮北上冰觸舟裂從泥沙中檢得  
 殘本淹浥破爛重加綴葺辛巳夏自都南還夜泊吳門  
 遇盜探囊胠篋之餘此書獨無恙也自念頭童齒豁半  
 生著述不登作者之堂庶幾托公詩以傳後因閉門戢  
 影畢力於斯追維始事迄今蓋三十年矣雖蠡測管窺  
 何足仰佐萬一顧視世之開局於五月藏事於臘月半  
 年勒限草促成書淺深得失必有能辨之者  
 康熙壬午仲春初白菴主人查慎行識

東坡先生年表

仁宗景祐三年丙子景祐四年丁丑寶元元年戊寅寶元二年己卯

是年十一月  
 改元

十二月十九日卯時先  
 生生於眉山縣紗縠行  
 里第。王宗稷云十二  
 月為辛丑十九日為癸  
 亥丙子癸亥水向東流  
 故才汗漫而澄清子卯  
 相刑晚年多難

康定元年庚辰

是年二月改元

慶歷元年辛巳

是年十一月改元

慶歷二年壬午

慶歷三年癸未

是年先生七歲按先生是年先生八歲入小學上韓魏公梅直講書云道士張易簡為師按先生作范文正公文集序云慶歷三年某始入鄉校士有自京師來者以石守道慶歷聖德詩示鄉先生某從旁竊窺問十一人何也先生曰童子何用知之某曰此天人也耶則不敢知若亦人耳何為其不可

慶歷四年

甲申

慶歷五年

乙酉

慶歷六年

丙戌

慶歷七年

丁亥

是年先生十歲按子由作先生墓志云公生十年而先君宦學四方太夫人親授以書問古今成敗輒能語其要太夫人讀東漢史至范滂傳慨然太息公侍側曰某若為滂夫人亦許之否夫人曰汝能為滂吾顧不能為滂母耶公亦奮厲有當世志太夫人喜曰吾有子矣

先生年十二歲是年公祖父亡本集與曾子固書云某違事祖父祖父之歿某年十二矣又按天石硯銘序曰某年十二時於所居紗縠行宅隙地得異石扣之有聲且為之銘

東坡先生全集卷三十一  
慶歷八年

子戊

是年十二月以霖雨為災頒德音改明年元

皇祐元年

丑己

皇祐二年

寅庚

皇祐三年

卯辛

皇祐四年

辰壬

皇祐五年

巳癸

至和元年

午甲

至和二年

未乙

是年三月太史言四月朔日當食上避正殿改元

先生年十七按本集滿庭芳詞序云予年十七始與劉仲達往來於眉山

先生年十九娶眉州青神王方女按本集王氏墓志云生十六歲而歸于軾至治平二年王夫人卒年二十有七以年數考之則甲午歸于先生明矣

先生年二十按先生作張安道樂全先生文集序云某年二十以書生見公成都一見待以國士

嘉祐元年 丙申

是年四月京師大雨壞是年三月賜禮部奏名官私廬舍六月雨壞太進士諸科及第出身八廟社稷壇詔羣臣言時百七十七人親試舉人政闕失九月大赦改元免黜落始此

嘉祐二年 丁酉

嘉祐三年 戊戌

嘉祐四年 己亥

先生年二十一舉進士人京按本集鳳鳴驛記云嘉祐丙申舉進士過扶風又范文正公集序云嘉祐元年始舉進士至京師

先生年二十二春赴禮部時歐陽文忠公知貢舉梅聖俞與其事得公刑賞忠厚之至論欲以冠多士疑曾子固所為乃却寘第二復以春秋

先生年二十三丁母艱

先生年二十四服除其冬侍老蘇公舟行適楚十二月至江陵度歲按上荆州王兵部書云自蜀至楚舟行六十日過郡十一縣二十有六

對義居第一及殿試章衡榜中進士乙科四月丁太夫人武陽君程氏憂按司馬温公作程夫人墓志云夫人以嘉祐二年四月癸丑終於鄉里

嘉祐五年庚子

嘉祐六年辛丑

嘉祐七年壬寅

嘉祐八年癸卯

是年八月乙亥策制舉人

是年二月癸未命官錄被水諸州繫囚

是年三月辛未仁宗崩四月壬申英宗即位慈聖曹太后同聽政十月甲午葬仁宗於永昭陵

先生年二十五正月自

先生年二十六應制科

先生年二十七在鳳翔

先生年二十八在鳳翔

荆州出陸由荆門宜城襄鄧唐許至京故荆州詩云柳門京國道驅馬向春陽正月過唐州作新集詩是年到都後授

與子由同入三等歐陽公薦公秘閣試六論舊不起草故文多不工公始具草文義燦然按本集上吳內翰書云今年

二月往屬縣減決囚禁至寶雞號郿整屋四縣既畢事因朝謁太平宮遂游南山所過有詩

翔輦恩轉大理寺丞七月因久旱禱雨太白山由磻溪宿號縣渡渭往陽平至斜谷下馬磧所至有詩

河南府福昌簿不赴王宗稷年譜謂授福昌主簿有新集詩前後牽混殊繆當從紀年錄

春天子將求直言之士而某適求調官京師舍人楊公采其鄙野之文五十篇奏之天子使與明詔之未

是秋讀書終南太平宮

是冬授大理評事簽書鳳翔判官十一月十九日與子由別十二月到鳳翔任老蘇公被命修禮書旁無侍子子由奏乞留京師養親時陳公弼為鳳翔守

英宗治平元年甲辰

是年正月丁酉朔改元

治平二年乙巳

治平三年丙午

治平四年丁未

是年十二月立穎王為皇太子

是年正月丁巳英宗崩戊午神宗即位尊曹太后曰太皇太后母宣仁高后曰皇太后十二月詔起居日增轉對官二人

先生年二十九在鳳翔簽判任磨勘轉殿中丞

先生年三十自鳳翔還朝按華陰寄子由詩云臘酒送寒催去國東風吹雪滿征衣當於是年正月還朝傅藻紀年錄云甲辰冬任滿還京者

先生年三十一春在京直史館

先生年三十二居憂在蜀八月壬辰葬老蘇公於眉州墓頤山之東二十餘里地名老翁泉按本集送賈訥侔眉詩云老翁山下玉淵回手植

先生年三十一春在京直史館

四月二十五日丁編禮公憂按張安道作文安先生墓表云太常禮書成禾報以疾卒實治平

先生年三十二居憂在蜀八月壬辰葬老蘇公於眉州墓頤山之東二十餘里地名老翁泉按本集送賈訥侔眉詩云老翁山下玉淵回手植

訛

子由作先生墓志云治平二年罷還判登聞鼓院英宗在藩邸聞先生名欲以唐故事召入翰林宰相限以近例召試

三年四月戊申也英宗皇帝聞而傷之命有司具舟載其喪歸葬於蜀

青松三萬栽即其地矣

秘閣得直史館

是年五月二十八日通

義郡君王氏卒六月六日殯於京城外夫人生子邁

神宗 熙寧元年 戊申

是年正月甲戌朔改元四月詔翰林學士王安石越次入對

熙寧二年 己酉

是年二月以富弼同中書門下平章事以王安石參知政事創置三司條例議行新法呂誨范仲淹等俱以忤安石貶官十月富弼罷相

熙寧三年 庚戌

是年正月詔諸路散青苗錢三月始策進士罷詩賦論三題五月罷制置三司條例歸中書九月作東西府以居執政十二月立保甲法以韓絳王安石並同中書門下平章事初行免役法

熙寧四年 辛亥

是年二月罷詩賦及明經諸科以經義論策試進士置學官使之教導三月遣使察奉行新法不職者六月歐陽修以太子少師致仕富弼坐格青苗法徙判汝州八月置洮河安撫使命王韶主之十一月作中太一宮

先生年三十三免喪里居按本集四菩薩閣記云載四菩薩版以歸既免喪嘗與往來浮屠人勸某為先君捨施為大閣以藏之作記時熙寧

先生年三十四還朝監官告院按烏臺詩案云熙寧二年某在京授差遣與王晉卿等詩賦云

先生年三十五在京監官告院按本集送童子平序云熙寧三年十一月二十日子平自右司諫直集賢院出牧鄭州同人皆賦詩餞之又有

先生年三十六監官告院兼判尚書祠部王荆公欲變科舉上使兩制三館議之先生議上即日召見時創行新法先生上書論其不便荆公

元年十月二十六日

送錢藻知婺州曾子固倅越詩烏臺詩案云舊例館閣外補同舍餞送必分韻云云是年范景仁薦先生可充諫官

之黨不說命攝開封府推官旋以言事不協力乞外任除通判杭州過汝陰見歐陽公十一月到杭州任時沈立字立之為太守

熙寧五年

壬子

是年正月置京城邏卒  
察謗議時政者收罪之  
三月富弼致仕四月括  
閒田置弓箭手以古渭  
砦為安遠軍命王韶行  
教閱法五月行保馬法  
八月王韶復武勝軍改  
為鎮洮軍尋升為熙州  
是月頒方田均稅法十  
一月章惇開梅山

熙寧六年

癸丑

是年二月王韶復河州  
三月親策進士置經局  
命王安石提舉試明經  
諸科又詔進士諸科並  
試明法注官四月置律  
學五月遣熊本措置瀘  
夸七月詔京西淮南兩  
浙江西荆湖六路各置  
鑄錢監八月復北閩族  
黨之法九月置兩浙和  
糴倉立斂散法又詔興  
水利十一月中太一宮  
成親祀詔浙西路提舉  
司出米賑常潤饑

熙寧七年

甲寅

是年正月賞復岷洮等  
州功二月詔三司歲會  
天下財用出入之數以  
聞三月行方田法四月  
以旱罷方田法是月王  
安石罷知江寧府韓絳  
同中書門下平章事呂  
惠卿參知政事七月詔  
河北兩路捕蝗九月置  
京畿河北京東西路三  
十七將十月置三司會  
計司以韓絳提舉

熙寧八年

乙卯

是年二月王安石復入  
相初行河北戶馬法六  
月頒王安石詩書周禮  
義於學宮十月呂惠卿  
罷知陳州詔以災異數  
見赦天下罷手實法

先生年三十七在杭州  
閏七月哭歐陽公於孤  
山是月監試舉人於瓊  
院十月十日作送進士

先生年三十八在杭州  
春夏之交往富陽新城  
又往於潛臨安諸屬縣  
再遊徑山所至有詩

先生年三十九有元日  
過丹陽詩六月自常潤  
還杭  
八月捕蝗至於潛新城

先生年四十在密州任  
春旱禱常山  
夏旱再禱雩泉有上韓  
丞相論災傷書又論密

詩序

是秋沈立罷杭州陳襄  
字述古來代  
初冬以督開運鹽河至  
鹽官  
十二月運司又差先生  
往湖州相度隄岸利害  
時孫莘老為湖守

立秋日禱雨宿靈隱

是冬沿漕檄賑濟常潤  
飢民在常州度歲

是年納侍妾朝雲按墓

志云朝雲姓王氏錢塘  
人事先生二十有三年  
紹聖三年卒於惠州  
九月移知密州秋未離  
杭十一月三日到密州  
任在密度歲有除夜與  
段屯田詩云龍鍾三十  
九勞生已強半王宗穆  
年譜謂在潤州道上過  
除夜者訛

州鹽稅後杞菊賦序云

予仕宦十九年家日益  
貧移守膠西而齋廚蕭  
然按先生登第至是恰  
十九年矣

熙寧九年 丙辰

是年二月遣郭逵擊交趾十月王安石罷判江寧府以吳充王珪同中書門下平章事

熙寧十年 丁巳

是年七月河決澶州曹村埽九月詔河決害民田所屬州縣疏濬十二月以郊祀恩改明年為元豐

元豐元年 戊午

是年正月復以王安石為尚書左僕射封舒國公四月塞曹村決河名其埽曰靈平詔河北被水者蠲其租五月蔡確參知政事

元豐二年 己未

是年三月疏汴洛六月清汴成七月張方平以太子少師致仕十月乙卯太皇太后曹氏崩明年葬永昭陵

先生年四十一在密州

遷祠部員外郎十二月就差知河中府已而改知徐州在維州度歲

先生年四十二

元日發維州由濟南到京師住關城外范景仁園按烏臺詩案云熙寧十年二月三日范鎮往西京軾作詩送之云云

先生年四十三在徐州

二月奉旨賜錢二千四百一十萬及發常平錢米改築徐州外小城創木岸四以獎諭教記并

先生年四十四

二月移知湖州三月至南京四月二十九日到任一云二十日七月二日監察御史何大正舒亶諫議大夫李

又送魯元翰詩起句云冗士無處著寄身范公園

四月赴徐州任

河決澶州水及徐州城下城將敗公率武衛營

卒長築東南長隄首起戲馬臺尾屬於城城賴以全十月五日水退朝廷降敕獎諭是秋子由至徐留月餘赴南都

刻諸石為熙寧防河錄又撤項羽廟材即城東門為大樓壘以黃土以土實勝水也八月癸丑樓成九月庚辰大合樂

是年秦少游將入京應舉至徐謁見先生黃魯直以古風二首上先生黃秦二君奉教於先生

授黃州團練副使子由聞先生下獄乞以見任官職贖罪亦謫監筠州鹽酒稅王鞏王誥坐與先生游並貶官

定上言蘇軾作為詩文謗訕朝政奉旨送御史臺根勘二十八日皇甫遵到湖州追攝

八月十八日起臺獄十月獄具二十九日責

先生游並貶官

元豐三年庚申

是年二月章惇參知政事九月改定官制以王安石為特進改封荆國公

元豐四年辛酉

是年正月詔進士加律義三月章惇知蔡州九月夏兵救米脂若鄜廷經畧副使种諤擊破之种諤又敗夏人於無定川十月諤遣曲珍等通黑水安定堡路遇夏人又大破之斬獲甚眾

元豐五年壬戌

是年五月遣給事中徐禧治鄜延邊事八月城永樂九月夏人圍永樂城陷徐禧死之十月貶呂惠卿知單州

元豐六年癸亥

是年閏六月富鄭公薨十二月文潞公以太師致仕

先生年四十五正月過陳子由自南都來別二月一日到黃州寓居定慧院本集與王文甫子辨云僕以元豐三年二月一日到黃家在南都

先生年四十六在黃州寓居臨臯亭正月二十日往岐亭是年馬正卿為先生請於郡守得故營地數十畝躬耕其中作東坡八

先生年四十七在黃州初作雪堂自臨臯亭遷居焉東坡圖云自黃州雪於四壁南挹四望亭黃州太守徐君猷罷去

先生年四十八在黃州七月二十七日朝雲生子遜是年蜀人巢元修來從先生學

獨與兒子邁來云云又與文潞公書云到黃無所用心遂因先子之學作易傳九卷又作論語說五卷五月子由赴貶所過黃留半月乃去是月先生遷居臨臯亭是冬借天慶觀道士堂坐四十九日見答秦太虛書中時徐君猷為黃州太守

章自號東坡居士自此始

西控北山之微泉特為勝概云三月至蘄水七月十月兩遊赤壁未幾卒接替姓名失考

元豐七年甲子

是年司馬光資治通鑑成降詔獎諭文彥博入朝賜宴於瓊林苑

元豐八年乙丑

是年正月立延安郡王為皇太子三月戊戌神宗崩哲宗即位太皇太后高氏權同處分軍國事十月葬神宗於永裕陵以司馬光為門下侍郎賜楚州孝子徐積絹米以呂公著為尚書左丞

哲宗元祐元年丙寅

是年正月改元二月蔡確章惇相繼罷相四月王安石卒以文彥博平章軍國重事五月韓維為門下侍郎呂惠卿落職分司南京八月詔常平依舊法罷青苗錢九月司馬溫公薨

元祐二年丁卯

是年三月奉安神宗神御於景靈宮宣光殿七月韓維罷八月岷州將種誼復洮州執鬼章青宜結十一月獻鬼章於崇政殿聽招其子及部曲歸以自贖十二月興龍節初上壽於紫宸殿

先生年四十九正月二十五日奉旨特授汝州團練副使本州安置四月別黃州五月由九江至筠州與子由別

先生年五十元日雪中渡淮四日離泗州表請常州居住到南京奉放歸陽羨之命七月至常州復朝奉郎八月十七日得旨除知石史今又冒榮直授職

先生年五十一在京師正月除中書舍人本集辭免狀云臣頃自貶所起知登州到任五日而召以省郎半月而擢為

先生年五十二在翰苑本集與國寺六祖畫贊序云余嘉祐初舉進士館於興國浴室予去三十一而中書舍人彭器資亦館於是云云按

六月長子邁將赴饒州之德興尉送之至湖口七月過金陵幼子逐病亡十二月在泗州度歲

登州十月十五日到登州二十日以禮部員外郎召還朝十二月以七品服入侍延和除起居舍人

等驟進云云十月十二日除翰林學士知制誥十一月除侍讀召入院考試館職十一月五日與狄咏同館伴北使是年子由亦自績溪令召入為秘書省校書郎

嘉祐丁酉至元祐丁卯恰三十一年矣九月十五日邇英殿侍講賜御書是年為司馬溫公富鄭公趙清獻公作神道碑又作贈李道士詩云五十之年初過二衰顏記我今如此

元祐三年 戊辰

是年三月御集英殿策進士賜諸科及第出身一千一百一十二人四月用呂公著呂大防范純仁劉摯胡宗愈等十二月范鎮定鑄律度鐘磬等以進令禮部太常參定

元祐四年 己巳

是年五月蔡確貶英州別駕

元祐五年 庚午

是年二月文潞公以太師致仕呂大防等以旱求退不允是歲東北旱浙西水災

元祐六年 辛未

是年二月子由為尚書右丞七月張方平復宣徽南院使致仕

先生年五十三在翰苑和子由元日詩有白髮蒼顏五十三之句正月知貢舉三月開院五月一日與子由同轉對九月臥病請郡不許

先生年五十四在翰苑上元侍宴端門累章乞郡三月除龍圖閣學士左朝奉郎出知杭州按子由作先生墓志云宣仁

先生年五十五在杭州有論西湖狀及書高麗公案除夜有和熙寧中題都廳詩序云熙寧中某適守此郡除夜題一詩於壁今二十年矣

先生年五十六二月九日被旨召還朝王宗稷年譜訛以為三月九日離杭州先生去杭林子中復來替四

復直玉堂

心善先生辨蔡持正之謗出郊遣內侍賜龍茶銀合用前執政恩例也先生出守子由代為翰林學士七月三日到杭州任謝表云江山故國所至如歸父老遺民與臣相問先生舊為杭倅故云先生之守杭也與林希子中為替故和子中詩有江邊遺愛啼斑白之句是歲子由使契丹

時劉季孫景文以左藏副使為兩浙兵馬都監駐杭州與先生多唱和詩是年用監稅蘇堅之議浚鹽橋茅山二河又用錢塘尉許敦仁之議開西湖以壅土作堤築橋其上從北山直抵南屏後人號為蘇公隄

月到闕除翰林承旨復侍邇英按子由作先生墓志云先生召還本除吏部尚書復以轍故改翰林承旨乞寢新命與兄同備從官不許是時子由為尚書右丞故云五月入院以弟嫌請郡八月以龍圖閣學士出知穎州九月到任十月以早禱張龍公十一月一日雪中與客會聚星堂援歐陽故事作禁體詩時趙景貺為穎倅陳履常為學官是冬穎州久雪人飢散義倉積穀數千石及作院酒務柴炭數十萬秤以賑之又奏乞罷黃河夫萬人開本州溝瀆

元祐七年 壬申

是年六月子由為門下侍郎蘇子容為右僕射范子功為中書侍郎九月詔南郊宜依故事設皇地祇禮畢別議方澤之儀十一月祀天地於園邱中外加恩

元祐八年 癸酉

是年五月監察御史董敦逸黃慶基以論二蘇公罷為湖北福建轉運判官九月宣仁太皇太后崩明年二月葬永厚陵

紹聖元年 甲戌

是年正月改元紹述之議興呂大防范純仁等相繼罷去以章惇為尚書僕射安燾為門下侍郎六月來之邵等疏言先生前掌制命語涉譏訕連坐貶斥子由出知汝州分司南京筠州居住十二月范祖禹黃庭堅等亦坐史事責授散官遠州安置

紹聖二年 乙亥

是年二月呂大防以監修史貶秩安州居住十月以許將蔡卞為尚書左右丞

先生年五十七

二月自穎移知揚州三月十六日到揚州任初先生在穎與趙德麟同開西湖至是湖成九月以兵部尚書召還

先生年五十八任端明

侍讀二學士上元侍飲有呈同列詩六月館波公東堂有詩八月一日先生繼室同安郡君王氏卒次子迨州安置

先生年五十九在定州

任四月奉旨追一官落兩職以承議郎知英州六月舟行至當塗縣責授寧遠軍節度副使惠州安置

先生年六十在惠州上

元夜詩云前年侍玉輦端門萬枝燈去年中山守老病亦宵興今年江海上雲房託山僧三月和陶歸田園居詩

朝復兼侍讀

十一月南郊為鹵簿使尋遷禮部尚書端明殿學士兼翰林侍讀學士

幼子過皆夫人所生也

按先生初娶通義郡君王氏即同安之堂姊也本集祭王君錫丈人文云始某昏姻公之猶子允有令德天闕莫遂惟公幼女嗣執壺篚云云但再娶歲月則無可考耳

八月度庾嶺

十月二日到惠州寓居合江樓十八日遷於嘉祐寺松風亭作思無邪齋按本集與陳季常尺牘云自當塗間命便遣骨月還陽美獨與幼子過及老雲并二庖婢過嶺云云

自序云始予在廣陵和

飲酒詩二十首今復為此要當盡和其詩乃已

九月十九日仍遷居合江樓

士出知定州

九月十四日與子由別於東府二十七日日出都門十月到定州任時辟李之儀孫敏行為幕官按本集定州到任謝表云一去闕廷三換符竹坐席未暖召節已行筋力疲於往來日月逝於道路云云

紹聖三年

丙子

是年正月韓忠彥出知真定府劉安世責授新州別駕英州安置

紹聖四年

丁丑

是年二月以三省言追貶呂公著司馬光文彥博等官子由為化州別駕雷州安置以曾布知樞密院事蔡卞為尚書左丞林希同知樞密院

元符元年

戊寅

是年六月戊寅朔改元九月秦觀除名移雷州編管

元符二年

己卯

是年八月命御史點檢三省樞密院並依元豐舊制

先生年六十一在惠州

先生年六十二

先生年六十三在儋州

先生年六十四在儋州

五月卜新居於白鶴峯

二月十四日白鶴新居成自嘉祐寺遷居

是年子由復自雷徙居循州

是年朝廷命提舉湖南常平董必察訪廣西至雷州遣人過海逐先生

本集和陶移居詩序云

予去歲自水東嘉祐寺遷居合江樓迄今一年

十一月五日以久不得子由書益易得渙六三

尺牘云初至儋官舍數

得歸善縣後隙地數畝

惠按先生和陶時運詩

作箴卦記二十一日作

出官舍本集與程全父

序云長子邁與予別三年矣般挈諸孫萬里遠來不能無欣然

四月被命責授瓊州別駕昌化軍安置太守方子容自攜告身來且曰此固前定乎吾妻沈事泗州僧伽謹甚一夕夢和尚告別曰當與蘇子瞻同行後七十二日當有命今適七十二矣豈非前定乎

諸說云海南以諸為糧今歲諸菜不熟以客舶至市有米也

椽近復遭迫逐又枕榔巷銘序云謫居儋耳無地可居偃息於枕榔林中摘葉書銘以記其處按是時昌化軍守張中坐與先生善亦被黜

父老云古白鶴觀也意欣然營之

七月朝雲亡八月三日葬於棲禪寺之東麓作亭覆之名曰六

歲暮和陶詩有我年六十一頽景薄西山之句

是年詹器之罷惠州守方南圭子容來代

方南圭子容來代

于藤同行至雷州

六月十一日渡海

七月二日至昌化軍初儋官舍以居有司猶謂不可乃買地築室三間

州獨與幼子過南行五月十一日與子由相遇

于藤同行至雷州

六月十一日渡海

七月二日至昌化軍初儋官舍以居有司猶謂不可乃買地築室三間

于藤同行至雷州

六月十一日渡海

七月二日至昌化軍初儋官舍以居有司猶謂不可乃買地築室三間

七月二日至昌化軍初儋官舍以居有司猶謂不可乃買地築室三間

六月十一日渡海

七月二日至昌化軍初儋官舍以居有司猶謂不可乃買地築室三間

在軍城南鄰於天慶觀  
時張中為昌化軍守

元符三年

庚辰

是年正月九日哲宗崩  
遺詔立弟端王復范純  
仁等官四月蔡卞罷十  
月蔡京出知永興軍貶  
章惇為武昌軍節度副  
使以韓忠彥為尚書僕  
射十一月改明年元元  
祐中謫官俱徙內郡居  
住

徽宗建中靖國元年

辛巳

是年正月以皇太后喪  
二月徽宗始聽政

先生年六十五在儋州

先生年六十六  
正月度嶺五日過南安

五月奉旨移廉州安置  
軍按傅藻紀年錄先生

六月二十日渡海七月  
有過南安車詩今刻本

初至廉八月授舒州團  
練副使永州安置十一  
俱失載

月復朝奉郎提舉玉局  
二月以汀水涸小住虔

觀在外任便居  
是年在韶州度歲

州三月杪舟發虔州由  
彭蠡出江

五月一日過金陵行至  
真州病暴下是月至常  
州借居顧塘橋孫氏之  
館

六月告老以本官致仕  
七月二十八日公薨崇  
寧元年閏六月邁等葬  
公於汝州郟城縣釣臺  
鄉上瑞里嵩陽峨眉山

東坡先生年表終

正